

JUNIOR SECONDARY CERTIFICATE

RUMANYO FIRST LANGUAGE

1107/1

PAPER 1 Reading and Directed Writing

2 hours

Marks 60

2019

Additional Materials: Answer Book

INSTRUCTIONS AND INFORMATION TO CANDIDATES

- Write your answers on the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

MARONDORO NAMAPUKURURO KUMUHAMENI MUMAKONAKONO

- Tjanga malimbururo ghoye muMbapira yaKulimbwilira oyo vana tapa.
- Tjanga Nomora yaMuhameni Mumakonakono naLidina paMbapira yaKulimbwilira.
- Tjanga nashitjangito shashinaliwiru nampiri shashishovagani.
- Wa sha rughanita shidongonito shamema-mema.

- Limburura mapuro **naghantjeya**.

- Kara nashinka kulishantjo, viyivitovaruro nalitungontanto.
- Vitwa vya pwa kare kutura mutuhaki [] kuuhura wakehe lipuro ndi ruha rwalipuro.

This document consists of 6 printed pages.



Republic of Namibia

MINISTRY OF EDUCATION, ARTS AND CULTURE

RUHA A

Varura shivarurwa shino makura u limbure mapuro ogho gha ka kwama ko.

Shivarurwa A

Pakare-kare atwe shipe tu vanuke pamukunda waNgcusha musheli munya yaSharughanda patungire mukondi walidina Kakishinkuru. Mukondi uno kwa kalire ngavo yayinene. Mundi wendi kwakalire yira mbara yayinene omo da kalire nka dimunkandjo dadiyingi. Hambo yendi unene wayo nakuvhurashi kuyitanta. Ungavo wendi, hawe, nakukengako shi vene. Oko u kenga ne kungombe ndi, kuvimpendje ndi, kutukambe ndi, kuvdongi ndi, kunke navantje kwa vapamukunda, ghamwe kupa vinguru, ngoli shimpe kugha shuva mambalili gha pa nko kuteta.

Kuya kulipata kwene ne, hawe, kehe vino wa hepa kuviwana mbuu! Ovyo navyo vyakushekera mumundi yira nkuku, mapato, matjokwe navankanga mbyo a wekire mukondi ndjehgo.

Pamukunda unya pakalire pamukunda wampora. Magima kava ghayuvhiranga kudimukunda dapeke tupu. Liyuva limwe payire mbudi pamukunda ashi vanomene vimuna vyavo mbyovyoshi vana yuvhu matiku omo ana nungu Shivuliwangoro-Ndangane mushikereva. Shitenguko tupu shaliyua oyo navantje kare vana ya ngenayiki vivunda vyavo Hambo ava di ghara-ghara nawa makura ava tokwere-tokwerepo kadidi nko kupita-pita va ka rangane. Mukurenka tupu ashi ndi vaporokere muturo, vayuvheko mbwa kuna kuvuda bu, bu-bu! Khambo kuyuvhako ashi cukurr, tjwa-tjwa-twa-tjwa-tjwa! Shivuli ana di tuvu. Pakurenka ashi di ya nyaghere, ndidi yamwene nturaumbo ashi ove wande, kuyuvha ko ashi boo! palivhu yina yivapo.

Kuyuvhako ngoweyo, varume navantje ashi kumaghonga kwiliti ntate, kumburo ntate, kudi mupini ntate khambo vana yivako. Nkugho mpo yina kahura pe. Mbwa nado dina kukarere. Pakalire ndwarume yimwe oyo kavatwenyanga ashi Kumponya. Yayo kapi yatukukanga vita vyamapumba nampiri kadidi. Kwarupuka tupu weno yikenge mumundema shininke shina kuyomono. Hawe, nayo kare ntate. Mupini tamburamo ashi natambura. Mpo ni ku wanena pano, mpo ni ku wanena panya navantje pere mumundema. Tjide, tuu kashintjikirako lishevo, Shivuli ana piti.

Kuruku rwendi vaunyendi navo ava kuhana mumundema ashi va di ghongawide. Muruku rwavikotjangana shirugho shashire mumundema, hawe ava ka wana ko twa mulivoko. Nadintje pere mumundema. Ligandaliro makura ava liturako va keverere ashi walye Shivuliwangoro kwaka vhanguka a ka ye waro. Mpo varara mpopo. Mukughamba kamutjikoro-tjikoro, va yuvhe ko: Rrrrr ana shi ku yambwili shaShamuyambili. Mwene ka mu yuvha panya ashi: "Nampiri muntu ashi kwa mu vhika muhunyu yashimbungu ne, ha! Nkwandi kapishi shandi osho." Pakupuma liyuva navantje pamukunda makura nko kukuyinaura va ya kuyonge ashi weni ndi vare ovo va yendoko kwene oko. Kumeho yakushapuka oyo ngombe ya firo kwaShivuliwangoro nko kuyi papaura ava yi tutiri kumunkandjo wanturaumbo. Varume navantje nko kushapuka va ka kenge oko a kara. Kakishinkuru kwakalire nauta wendi walingaramena ndi ashi limbuya, hawe, ana u vhiki. Vakuhupako navantje kwiliti kumaghonga, uno muno, unya munya shitodi shavo shi ka fe.

Opo va ya mu wanine kwa tura po tupu shinungo shimwe navantje mwamwa. Vamwe maghonga fera mpopo muvidighira vana pwere mo. Vamwe kuvitondo vana yiva ko. Shindjehendjeghe a ya kenge weno Kakishinkuru oghu. Ame wendi ashi: "Ove ne wande ngoli ove." Mukurenka ashi a mu homokere, kwa yuvha ko tupu limbuya ashi dayu, nkwandi djo honde tupu mushipara rwafu.

(Shivarurwa kwa tunda mumbapira Tu rudwe shivuya)

Shirughana 1

Limburura mapuro ogho **1 – 6** nakutjanga nomora ntani nandanda yalilimburo lyauhunga. Shihonena: **1 A**.

- 1** Mundi waKakishinkuru kwakalire ...
A mbara yauhutu.
B mbara yayinene.
C mundi walishandu.
D mundi wamfumwa. [1]
- 2** Pamukunda unya pa yire ...
A kamutjikoro-tjikoro.
B mbaroka.
C shivoye.
D shivuliwangoro. [1]
- 3** Matiku ghanya va yuvhire omo ...
A kuhuka
B kununga
C kukumba
D kuvuda [1]
- 4** Kumponya kwa kalire ...
A lipenda.
B kumwagha.
C kuronda.
D kuroya. [1]
- 5** Muvidighira vana pwere mo kutanta ashi ...
A kduka.
B kumwagha.
C kuronda.
D kuroya. [1]
- 6** Kakishinkuru kwa wekire ...
A mapato, matjokwe, vankuti.
B mapato, Matjokwe, vankanga.
C matjokwe, nkuku, vankuti.
D matjokwe, nkuku, viyoyo. [1]
- [6]**

Shirughana 2

- 7 Limburura **ushiri** ndi **kapishi** ushiri.
- (a) Kakishinkuru kwatungire paSharughanda. [1]
- (b) Mbwa kwavudire vavo vana porokere muturo. [1]
- (c) Ngurova yinya nyime kwa yire kuhambo. [1]
- (d) Pamukunda unya pakalire pamukunda wampora. [1]
- (e) Shamuyambili kutanta ashi nyime. [1]
- (f) Vivunda kwa ya vi ngenekire ngurova. [1]
- [6]**

Shirughana 3

- 8 (a) Pamukunda munke a tungire Kakishinkuru? [1]
- (b) Weni omo va twenyanga lipongeko lyavanyime? [1]
- (c) Weni omo ka va poperanga vakurona vakare vimuna vyavo kumagima? Tapako malimbururo **matatu**. [3]
- (d) Fwaturura vino vina kukwamo ko.
- (i) Kwa mu vhika muhuny yashimbungu. [1]
- (ii) Shivuliwangoro. [1]
- (iii) Ka wanako twamulivoko tupu. [1]
- [8]**
- [20]**

LIPONGONYONO B

Varura shivarurwa shino makura u limburure mapuro ogho ghana ka kwamo ko.

Shivarurwa B

Pakare vakurona kwakalire navinyanga opo kava tambwiranga vagenda napa ka va shungiranga ngurova kumeho ya kukarara. Nturaumbo navamati mbo va kuhwameka mundiro nakutatererapo murarero. Ano kunyima yavyo, mugholikadi navanuke kuya. Opo ngoli nturaumbo namugholikadi ndi murangekwa a pitimo ngoli, a bandamanemo a timwitire ovyo ana mono navyo ana yuvhu nevi ngavi shoroko nomu ana kuumona nakuunongonona udjuni wantani. Ntjeneshi pana kara vitimwitira djuni kushana kukita liyuva ndi dogoro vikondomboro kuyiyiramo. Kukwata shikondomboro kungero kutanta ashi kumeneka mpo ashi pano kapi yina waperepo.

Ukaro nankedi, virughana, makutundakano palikoro vakasha navakawina, umpandji naushiro nandjira ndi ntundiliro yalikoro mpo kava virongeranga mpopo. Vuno kwa kalire shure yayinene yamumapata munkarapamwe. Ano ntjene kapi wakarapo rumwe pangoli, kapi wa yiva vintu kehe kuno ngau yenda kukukenga tupu ashi oghu kapi a kalirepo palirero nkedidjuni. Wa ngoli kava mumonanga ashi kapi a tunda kuvantu ndi palipata. Ano ka yi tiranga ngoli lishwau nantjoni vakurona vendi ndi likoro mudima ndi kahero kalyo ashi kapishi vantu ovo. Kundereko ogho a horo lishwau ndi ashi a dire kuyivikwa mwamuwa nampiri mona ndjeghu.

Ano mulitompwero lyavakanyashi kuna tambamo nguli oyo ya kaliro pavinyanga ndi vi twikire pavinyanga ntani. Tuna shana nkondo ndi mundiro nashihoro shalikoro ovyo vuna kudongonoko muvana ndi muruvharo rwetu vishapuke nankondo viyende kuuto.

Vakurona vakare kava kudinguranga, ka va kukunditiranga kunditirangapo, kukupaapa vyuma nakukuyovora-yovoranga. Vavo ka va ponganga vakukunde ntjeneshi pana kara shimpagwa ndi shishorokwa shashiwa ndi shashidona. Ka va kupanga maghano nakukunegheda ruvharo rwavo, ukaro nashihoro mulikoro. Vhuruka ashi likoro kapi ava li fu mukaru. Ano shatoka shoye, eshi shareremo shaunyoye. Ame nahuguvura ashi kehe mukanyashi ngavi mukora ntjene mukanyashi umwe ngali mu wane lishwau lyaudjuni mudima. Ano ngamu hafa nakukukanganga ntjene wetu nga rughana shashiwa, shamutompo shamfumwa yayiwa muudjuni mudima.

Tokwenu ngoli tutompwera walye kupa tunda vyuma morwa dimutwe mbiri. Livoko limwe kapi lyapanduranga udano. Kapi tuna kukenga mwamunene ntundiliro yetu nomo twa ku tupaika mushirongo, ngoli kutu shetekera ko paufupi tupu. Nakukwama vamama vana huliliro kutu shuva. Katiku kaShangara ashi: "Atwe kwa tundilira kuMashi." Walye muShambyu ndi viha vyaUrui virongo vyamusheli yamukuro waKavango.

Sirugana 1

- 9 (a) Fwaturura nkango yino' shinyanga' nakutapa ko konda ntatu ashi konda munke ovyo ka va kareranga vakurona vakare navinyanga mumandi? [5]
- (b) Weni omo ka va parukanga vakurona vakare munkarapamwe? Tjanga ko malimbururo **ntayimwe**. [6]

- (c) Fwaturura ngambito dina karo mushivarura shino:
- (i) Likoro kapi ava li fu mukaru.
 - (ii) Livoko limwe kapi lyapanduranga udano. [3]
- (d) Twenyaaurako vininke vitatu vyamulyo ovyo kava shonganga vanuke vakurona pavinyanga? [3]
- (e) Kutwara mumpo yetu yashiAfrika ndi shishovagani, are ogho va twenyanga ashi:
- (i) Shiro shoye
 - (ii) Nkwirikoye
 - (iii) Vanyakulyoye [3]
- [20]

Shirughana 2

- 10 Nove mpo wakalire pashinyanga ngurova yimwe mwa tokwilire navakurona. Tjanger muholi ghoye a karo munkurumbara umu timwitireko ashi mukonda munke vina karere hepero kukaranga pavinyanga ntani vinke ovyo wakushongerapo pashinyanga.

Tjanga mwara nkango **150 – 200**.

[20]